



ქალაქ თბილისის მუნიციპალიტეტის საკრებულო



ბ ა ნ კ ა რ ბ უ ლ ე ბ ა № 464

27 ნოემბერი
“ --- ” ----- 2015 წ

ძ. თბილისი

„ქ.თბილისში, ისნის რაიონში ლადო მესხიშვილის ქუჩისთვის და მასთან არსებული შესახვევისთვის მომღერალი ეთერ კაკულიას სახელის მინიჭების შესახებ“ ქ.თბილისის მუნიციპალიტეტის საკრებულოს 2015 წლის 30 ოქტომბრის №400 განკარგულების ძალადაკარგულად გამოცხადების და ქუჩის სახელდების თაობაზე

1. ქ.თბილისის მუნიციპალიტეტის საკრებულოს 2015 წლის 30 ოქტომბრის №400 განკარგულების მომზადების დროს ძირითად გარემოებად მიჩნეულ იქნა ლადო მესხიშვილის სახელის დუბლირება. ვინაიდან მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად დაუშვებელია ქალაქის ადმინისტრაციულ საზღვრებში მდებარე ორი იდენტური სახელის მქონე გეოგრაფიული ობიექტის არსებობა ქ.თბილისის მუნიციპალიტეტის საკრებულოს მიერ მიღებულ იქნა გადაწყვეტილება ისნის რაიონში ლადო მესხიშვილის ქუჩისთვის სახელის შეცვლის თაობაზე. 2015 წლის 30 ოქტომბრის №400 განკარგულების მიღების შემდგომ, ცნობილი გახდა, რომ ქ.თბილისში არსებული ორი იდენტური სახელის მქონე ქუჩა წარმოადგენდა ორი სხვადასხვა პიროვნების (მსახიობი და რეჟისორი ლადო ალექსი-მესხიშვილი, არქიტექტორი და ხელოვანი ლადო ალექსი-მესხიშვილი) სახელობის გეოგრაფიულ ობიექტს. ვინაიდან ქ.თბილისის მუნიციპალიტეტის საკრებულოს ვალდებულებად აქვს აღებული ქალაქის ადმინისტრაციულ საზღვრებში არსებული ისტორიული ტოპონიმების აღდგენა - შენარჩუნება და მსახიობ ლადო მესხიშვილის ქუჩა, რომელსაც 1923 წელს მიენიჭა სახელი, წარმოადგენს სწორედ ასეთ ისტორიულ ტოპონიმს.

საქართველოს ორგანული კანონის „ადგილობრივი თვითმმართველობის კოდექსი“ 68-ე მუხლის პირველი პუნქტის „გ“ ქვეპუნქტის, საქართველოს „ზოგადი ადმინისტრაციული კოდექსის“ 61-ე მუხლის „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:


ა) ისტორიული ტოპონიმების აღდგენის მიზნით, რომლებსაც განსაკუთრებული ისტორიული მნიშვნელობა გააჩნია, ქ.თბილისში, ისნის რაიონში, ეთერ კაკულიას სახელობის ქუჩას აღუდგეს და მიენიჭოს ლადო მესხიშვილის სახელი, დანართის შესაბამისად.

ბ) ძალადაკარგულად გამოცხადდეს „ქ.თბილისში, ისნის რაიონში ლადო მესხიშვილის ქუჩისთვის და მასთან არსებული შესახვევისთვის მომღერალი ეთერ კაკულიას სახელის მინიჭების შესახებ“ ქ.თბილისის მუნიციპალიტეტის საკრებულოს 2015 წლის 30 ოქტომბრის №400 განკარგულება.

გ) ქ.თბილისის მუნიციპალიტეტის მერიამ ოთხი თვის ვადაში უზრუნველყოს ამ განკარგულების შესასრულებლად საჭირო ღონისძიებების გახორციელება.

2. განკარგულება ერთი თვის ვადაში შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, მე-12 კმ., №6).

საკრებულოს თავმჯდომარე



გიორგი ალიბეგაშვილი

X_ 484466.3058
Y_ 4616162.5993

X_ 484595.7952
Y_ 4616094.2628

I შეს.

X_ 484520.9416
Y_ 4616064.894

ლადო მესხიშვილის ქ.

X_ 484543.5351
Y_ 4615510.5201

